

24072

=1-10



登录号 线 5009
函 10 册



孫學士松坪先生明登萊巡撫火東公之孫公以兵
變死朝野共惜其才學士幼即能自樹立以詩鳴邑
中耆碩皆推服之火東公撫軍時幕下偏裨多奇士
入國朝皆以功名顯有薦學士於上者時方
命采詩東國以布衣賜二品服臨軒策遣士論
榮之既成進士改官庶常入直禁省漸通顯矣無
何邑奸民起折漕之難連染去官禍幾不測學士處
之泰然吟詠不輟今所傳西臺和蘇諸作尤為奇傑
者也獄漸解猶頌繫經年乃得釋旋復官再進秩卷

進元選以侍讀學士歿於京邸學士爲人不沾活細
行而重然諾急友朋假貸於人入手輒盡故家常貧
而懷抱灑落不稍挫於憂患之餘風流弘長至今尚
可想見也學士詩聲調格律以盛唐爲宗而雄放揮
灑時出東坡放翁之間吾邑婁唐諸公而下殆不多
見也平生不自收拾散佚良多南邨戴文集而藏之
獨得其全令子機又携鈔本示予且請選定予與朱
子以載共披讀之掇其尤可愛者另爲六卷以便諷
詠焉非敢刪學士之詩也然其性情流溢筆墨飛動

之槩亦略具於是矣

雍正十年壬子九月四日後學張鵬翀泊舟黃姑灣

燭下書

原序

同館松坪孫先生爲諸生時即被

知遇銜

命使萬里外未幾成進士

擢居禁近跡其生平

不可謂不遇乃忽以无妄去位浪跡江湖間今年冬
余得把晤西陵旅舍爲追敘已事不勝痛定思痛之
感而先生蕭然高寄飲酒賦詩初不以忻戚介意夫
遜世无悶聖人每難言之况乎嬰患難歷艱險極人
世之所不堪而皆非其所自取則夫憂愁無慘感憤
不平之氣賢者當亦不免乃今讀其詩抒寫懷抱流

連景光溫厚和平深得小雅怨而不怒之旨豈惟言
詞之工足以不朽其人亦古之所稱有道者也甲戌
冬日錢唐汪霏題

馮鈍吟先生評吾師之詩曰蠶吐五采雙雙玉童樹
覆寶蓋清談梵宮蓋謂絕好宋詩也不知其根柢經
史全得力於六朝三唐或因熟精晉書南北二史其
氣韻鮮新間似宋詩非拘拘規撫宋人也吾師嘗言
其詩從劉隨州劉賓客入手今讀七言近體誠入二
劉之室但五七言古體則又宗仰韓蘇硬語排奰全
非大曆之面目此亦少陵之轉益多師也曩與諸同
人談藝謂飛騰而入餘波綺麗惟吾師可以當之良
非阿其所好也嘉定戴子機又藏有遺稿金子叔良

及吾師之外孫程宗傅雕板以傳命余叅詳迴環諷
誦恍然如昔日之請業請益也西州之慟不禁涕泗
縱橫矣乾隆改元花朝受業樓儼百拜謹識

往時余嘗侍匠門張先生聞其論孫學士松坪先生
詩才華富有格調工絕惜集未刊布所刊者未申集
近百首皆在非所所作一斑而已外間所見多晚歲
酬應之詞非其佳者身後寥落孰有能定而傳之者
乎爲之三歎越十餘年學士之子大令罷官里居家
益貧余數與相見問之知家有藏稿余欲借而鈔讀
之未暇也後聞學士有門人觀察樓公官於粵大令
將往而謀剗劂焉中道病至粵遂不起家人崎嶇以
其櫬歸故第摧頽大樹蕭瑟宿息縑緗半淪麵肆稿

之歸於觀察與否不可得而詳也余友戴君機又獨
有其全詩蓋尊人南邨先生向所輯訂文獻足徵用
心可謂勤矣南華太史匠門先生族孫也今年春
假沐歸里暇日呼余共卒讀之遴尤佳者錄為二冊
敢云定而傳之哉亦惟本匠門先生之意不以泛濫
酬應者掩其真性情使世知學士詩飛騰綺麗力追
古人工者如是不必取名位進年壽崇為準的也機
又欲即此刊之意良善嘗鼎一臠豈為不知味乎抑
未知觀察見之以為何如也雍正十年冬日崑山後

學朱厚章拜手書

秋左堂集詩目

卷一

古今體詩八十一首

卷二

古今體詩一百十六首

卷三

古今體詩五十四首

卷四

古今體詩五十七首

卷五

古今體詩八十七首

卷六

古今體詩一百三首

秋左堂集卷一

送張仲垣歸雲間

芳草萋萋更送行那堪幽谷鳥嚶鳴門前楊柳愁中
色潭上桃花別後情錦纜起鷗三泖水銀鞍走馬五
茸城明朝便有雲山隔且共班荆盡一觥

秋感十二首

選五

黃菊于人強自開悲秋無處可登臺添愁每聽蛩聲
急寄遠空瞻雁字回澤國偏逢寒氣早浮雲不使日

陳垣同志遺書

嘉定孫致彌愷似著



光來烏皮小几堪長倚欲賦慚非子美才

其二

秦淮長繞舊時峰聞道鍾山尚鬱葱豈謂金人辭漢
闕遂令玉殿比隋宮鳳皇臺榭荒煙碧龍虎關河王
氣空最是傷心弓劍地蕭蕭陵樹起秋風

其三

十年寇盜徧江畿半夜欃槍近紫薇洛水旗靡五馬
渡鼎湖弓墮一龍飛朱旂空見秦師入黃屋難從蜀
道歸玉盃珠襦零落盡通天奏表恨依稀

其四

遼海關門百二雄長城萬里憶先公儲胥自有風雲
護部曲空成帶礪功一戰龍旗勞汗馬廿年貝錦怨
藏弓不堪蔓草祈連塚况復銅駝恨未窮

先中丞贊
遼十載嘗
奉龍文大纛鼎革四王
及黃鎮南輦皆出麾下

其五

賢王擁篲重枚鄒客右相如暫爲留蠻府椰漿供設
醴水程荔浦足維舟鴈書不到梅花嶺蝶夢長飛芳
草洲雲白山青秋色遠無從陟岵且登樓

時家大人
客靖王幕

詠史次王玠右先生韻四首

南都歌舞動雲霄回首燕臺王氣遙
鷺領何年馳鐵馬羊頭此日總金貂
霓旌小苑明秋月錦纜長江泛暮潮
龍虎親軍三十萬登壇空想霍嫖姚

其二

六朝遺恨水潺潺金殿繁華閉翠煙
但聽臨春歌玉樹不聞清廟奏朱絃
銅駝泣露飛鳴鏑鐵鎖沈江渡
戰船虎踞山前明月在秋風愁絕李龜年

其三

煙花當日杳非今玉輦南來紫禁深
四鎮鉦鏡喧建業六宮簫鼓醉華林
黃龍塞遠無征馬赤鳳歌殘有賜金
烽火臨江明大內君王別殿理胡琴

其四

金盆蟋蟀繞朱闌江左何人是謝安

馬士英日與諸妾鬪蟋蟀論者

方之賈似道

太子犢車朝詣闕元戎蟒服夜登壇

阮大鍼閱師衣

素蟒玉帶見者託為梨園妝束

雲迷虎帳珠囊遠日閃龍旗玉袞寒

遂使悲笳南牧馬漢家司隸夢中看

得 大人家書敬賦以寄

綵服春郊憶送行
高秋猶滯五羊城
遙看楚澤占風色
獨對吳雲計水程
碧柳衡門應有夢
清江遠道若為情
定知飲餞賢王幕
晏罷西園月正明

其二

尚無寒鴈集瀟湘
忽報平安到故鄉
彭澤阿舒原懶惰
杜陵驥子正淒涼
浦逢荔子王門遠
嶺隔梅花客路長
遙想登高回眺處
雲山真真失吳閭

其三

東籬黃菊未全開
應待羲皇高士回
懷古好尋南越傳
思家頻上尉佗臺
故鄉遠夢池邊草
客舍新詩嶺

上梅聞道梁王親
授簡兔園獨數馬
卿才

大人有靖府宮宴諸

作

雪後送仲垣歸雲間并寄原社諸子

送子紅亭雪未消
離心歸路共迢迢
青龍江上猶衰草
黃耳祠前正落潮
百里山川人契闊
三冬雲物日蕭條
葺城同調如相問
只說愁吟擁敝貂

長安雜詩追次陳大尊先生韻

閃日旌旗壯漢關禁城宮闕俯人間金臺斜映桑乾
水玉殿回看碣石山坐見龍輿雲外出遙聞鳳吹月
中還單于羊馬猶南牧衛霍論兵未肯閒

其二

武皇甲帳鏢秋風百二山川極望中地曲黃河趨玉
闕天回紫塞抱金宮龍堆月照戎衣白虎帳雲傳燿
火紅聞道薊門笳鼓急更從渭水獵飛熊

其三

九鼎重遷易水前皇都卜世幾千年珠旗雲罕朝嵩

廟翠蓋霓旌幸藉田龍虎新軍榆塞外熊羆老將柳
營邊清時萬國遵王制不賜銅山吳鄧錢

其四

雲霄雙闕鎖斜暉煙靄千宮望翠微郊祀白麟戎輅
出鏡歌朱鷺屬車歸花飛西苑留雕輦月照南城卷
寶衣嶺外荔枝隨貢使紅塵一騎鳥爭飛

其五

神京虎豹有重關紫蓋黃旗煙霧間塞外武功臨瀚
海房中雅樂奏唐山鳳池日麗朝班入魚鑰星傳獵

騎還一自北平開帝闕金陵望幸綵雲閒

其六

桂殿椒房向曉風千條弱柳翠煙中
雞人夜集長楊館虎旅秋屯五柞宮
金屋月留芳草碧玉堦寒淺露桃紅
連宵上苑移輕輦聞道君王試格熊

其七

鬱鬱諸陵風雨前昇平盛事屬當年
但聞戰馬時乘障不見伶人有賜田
烏履青雲雉尾外旌旗翠靄鳳城邊
金門侍從多才子競說文如萬選錢

其八

金河秋靜散清暉銀箭更深動紫微
翡翠城邊羽仗出芙蓉苑外綵輿歸
龍舟錦纜移蘭棹寶馬雕珂進袞衣
遼海關門雖轉戰時聞麟閣捷書飛

集青业句寄有初寶弓

二月都能幾日晴愁兼草色雨中生
相思不及鷗飛去漠漠春寒水繞城

其二

深塘草色燕飛時掃閣焚香畫卷帷
自入春來才思

減感懷猶賦散人詩

其三

遠愁高樹共離離
添得新成幾首詩
江上琴書留滯久
共誰來往問花枝

其四

水沒漁梁宿雨晴
雙桐分蔭曉池清
一春酒病稀游賞
不似年時放浪情

其五

乍喜新晴覺病輕
蘿間候客抱琴行
江汀每恨無舟

渡借問風潮早晚平

其六

吟餘消盡篆煙輕
幾樹斜陽帶鳥聲
一塢綠楊雞犬靜
思君欲放酒船行

和趙砥之偶論屈陶有感

彭澤湘江迹未陳
郢都宗老晉遺臣
大王風冷懷沙賦
處士星高漉酒巾
碧柳五株悲甲子
紫蘭九畹怨庚寅
兩賢惜不同時遇
採菊餐英足自親

送喬殿史入都謁選

射策燕臺是舊游
落花時節送仙舟
江南春過秋千
曉薊北寒生簞
簞秋綵筆題詩青
玉案金門奏賦紫
貂裘絲綸早晚需
才子肯使喬立向
外州

送喬茂上侍尊人殿史北行

河橋鶯語助離聲
更著斑衣問客程
落日晚依楊柳
陌春雲晴鎖鳳皇
城池邊芳草思兄
夢隴上梅花寄
友情駿馬金臺今
在否盧溝曉月向
人明

送公對翰臣兩先生會試北上

昔黔中告平
特舉會試

虎符奏凱瘴煙清
鳳詔徵賢赴玉京
內史才華誰濟

美右丞兄弟早齊名
文章金馬新王制
荆棘銅駝舊
帝城遙望盧溝一
片月秋深應傍曲
江明

杜鵑

子規啼血灑黃昏
聞是當年望帝魂
再拜何人如杜
甫一身作客效王
孫東吳風雨蠶叢
遠西蜀山河驚
令尊但道不如歸
去好錦官冠蓋幾
家存

舟次黃浦寄亦黃有初圮上寶弓諸子

暖風輕拂越羅袍
梅雨初添水半篙
客舫晚依楊柳
岸人家春遶蕙蘭
臯日斜遠塢收雞
犬潮落平沙散

蟹螯咫尺江城煙霧裏相思空使夢魂勞

夜集懸榻齋劇談有感即席贈范亦黃屬寶弓

喝韻

離筵風雨共銀缸說劍論詩未肯降憂樂當年原自
定文章今日恐無雙已悲精衛空填海欲采芙蓉便
涉江更羨杜鵑佳句在錦箋染翰碧紗窗

少年行

不惜千金買寶刀十年心事恨雲高驕馳陌上青絲
騎醉卧樓頭白錦袍擊筑燕臺悲易水吹簫吳市弔

江濤信陵公子思難報袖裏金椎敢告勞

寄陳孝岐

黃門大尊先生子也

問訊雲間陳孺子風塵牢落近如何病中對酒懽娛
少亂後還家感慨多三戶蟲沙隨鐵騎十年荆棘遶
銅駝不須更讀王哀傳應自傷心廢蓼莪

夏日雜感

鯨海驚濤動漢旌連宵砲火震吳城龍韜殺氣三江
合虎帳長風萬里生實有朱旗殷北斗應教烽火照
西京憑誰為問朝來雨可是天河欲洗兵

其二

漢使遙分橫海符樓船十部擬吞吳龍驤將畧千帆
影魚腹軍容八陣圖山迴雲屯金鎖甲潮迴風卷繡
螯弧傳聞江上烽煙急鐵甕城邊已獻俘

其三

短短朱纓剪剪風材官百隊楚江東人臨智井號茅
經將逼危城問鞠窮五月波濤連海急一星烽火隔
江紅鍾山王氣今何似聞說年來更鬱葱

其四

廿年碧海尚稱干氣卷炎天落日寒校尉螯弧新下
壘元戎如意舊登壇軍中班馬宵相喚城上啼烏夜
未闌愁絕金山遙望處拂廬猶滿舊長安

寄某

羅涇之濱 先公佳城在 丙與□□ 丙舍相

去數百武秋來同約避兵於此予以事未能
而□□已扶病先往作此寄之以申卜鄰之

約

煙樹千重水一方佳城丙舍兩相望君能扶病歸郊

屋我欲題詩寄草堂澤畔行吟船載月籬邊縱酒菊
爲裳徐陵定有悲秋句爲探奚奴舊錦囊

其二

清華水木繞村居甫里柴桑總不如挾彈花間驚翡翠
放舟江畔亂芙蓉也知洗馬愁難破無奈文園渴
未除早晚欲尋偕隱約望衡應許共揮鋤

秋夜感事

鼓角驚心夢未成猶餘落月向人明下江羽檄傳吳
苑橫海戈船擁漢營裘馬五陵空結客風雲八陣漫

談兵劉琨此夜誰同舞聽盡隣雞第幾聲

其二

龍性相看未易馴吳鉤如水拭來新笳鏡夜動瓜洲
渡燿火秋高揚子津浪說斗牛騰紫氣愁看京國暗
黃塵請纓亦是吾家事莫漫桃源學避秦

次韻酬亡友王崑谷降乩見贈

崑谷諱吳上洋人也與予友善

又同爲中翰徐公婿丁酉春疾卒

山陽短笛又飛聲王粲登樓有賦名天上龍鸞朝絳
闕人間風雨閉佳城三秋酬對兼悲喜十載交期隔

死生回首當年觴詠地空明閣外月空明

王子故居有空明閣

寄徐有初寶弓兩表兄

文定公曾孫故有第七句

寒林蕭瑟氣悲哉况憶南州二妙才愧我風塵空伏
枕羨君兄弟共登臺秋高鼓角江邊急日落帆檣海
上來自有立成遺業在暫時豹隱莫興哀

訓喬圯上月夜見懷之作

十二珠簾卷素秋月光如水拂吳鉤江邊抱病長歌
枕天末懷人獨倚樓白鴈數聲啼暮苑青楓一曲繞
寒洲邨堪極目煙波晚羌笛參差起遠愁

同駿思大年訪華天御先生

蒲帆片片帶斜暉路轉蒹葭興不違白露爲霜楓欲
脫澄江如練鴈初飛滄桑廿載衣冠在猿雀三軍事
業非回首悲笳催日暮新亭風景一沾衣

會葬侯銀臺文節兩公及幾道雲俱智含諸先
生

白馬銀濤歇浦陰虜搖丹旆倚蕭森一門先後全忠
孝累葉文章照古今泪盡龍髯弓劍遠封成馬鬣歲
時深平陵松柏重回首未信鍾山紫氣沉

寄曹秋岳先生

代家大人

霄漢功名憲府看，滄江一卧歲華殘。
關西夫子存楊震，江左夷吾老謝安。
世路風塵頻舉扇，江湖煙月幾投竿。
倦游肯信王門客，短髮蕭蕭暮雨寒。

閒居八首

有序存四

予以壬寅春盡屏跡小園，魚鳥親人，煙霞自
適。桃李被逕，居然庾信之園。楊柳垂門，即是
嵇康之宅。故得支公坐隱，宗子卧游。菟纂茶
經，嘯歌酒頌，訂新聲於珠柱，溫舊學於玉杯。

說劍則紫氣騰霄，揮麈而清風滿座。雖復遠
慚金谷，近愧玉山。而竹林勝侶，屢造山陽。蓮
社高人，輒尋彭澤。相與流連，永日愴惻窮塵。
珠囊金鏡，攬衰謝於斯文。紅藥朱闌，感昇平
之故事。投瓊報李，紙墨遂多。詎同梁父之吟，
竊以洛生之詠云爾。

朱闌獨倚聽提壺，莫道幽居事事無。
雨後苔應欺翡翠，

翠

翠雲艸一名翡翠苔

春殘花亦號珍珠。閒抄琴譜思中散，醉

讀騷經哭左徒。更得君來同唱和，便堪繪作輞川圖。

其二

暈碧裁紅隔霧看春愁飛絮雨漫漫垂楊影裏宜吹
笛杜宇聲中悔倚闌一鉢桃花供午飯半杯松葉抵
春寒狂來更想韓湘藥要向窗前染牡丹

其三

池上春晴曉霧含飛花潏潏柳毵毵泉翻雪乳茶方
熟歌借鶯聲酒半酣小賦忽成思范啓范亦黃清言纔

罷憶劉惔劉我賓死生別恨難消得若此文通更不堪

其四

啼鳥聲聲改歲華小園風物似山家紅珠細雨櫻桃
熟碧玉輕陰竹筴斜枕上不知身是蜨栢中忽悟影
非虵維摩方丈無天女時有春風與散花

奉和錢大宗伯八十壽筵紅豆花八首此花素辨丹心

二十年一
開出南海

瓊海名花小閣前稱觴花底即神仙上林別有長生
樹烽火凋殘二十年

其二

瑤花容易落黃塵烏目山邊別墅春恰稱漢家遺老

在丹心一點白頭人

其三

雕檻相思一顆紅黃圖遺事劫灰空炎風亦是天王
地荔子休嗟命不工

其四

兩度花香對壽筵期頤還擬醉花前可知八百彭城
老花落花開不記年

其五

暈白輕黃縷絳霞細枝黛葉半橫斜胎仙閣上重回

首腸斷隋宮玉樹花

其六

碧落紅泉子夜通吹笙人度萬花叢依稀夢裏清微

洞却似芙蓉小院中

予嘗夢游清微洞

其七

花散春衣總不露湘簾綈几讀楞嚴若非梵苑娑羅

法

見水經注

邠得天人帶笑拈

其八

一樹相思隔柳枝白華金穗共垂垂樓頭更羨韓湘

在頃刻花題幼婦辭謂柳夫人及遵王也

再和紅豆十首

檀板金尊介壽初相思子落晚風餘玉盤傳出人爭羨白橘朱梅總不如

其二

尚父垂綸拂水前靄光此日正巍然南方草木餘紅豆搖落秋風也廿年

其三

應是天家雨露濃丹砂一點綴秋風傾離豆只是尋

常種不及相思顆顆紅

其四

只合承恩植上闌蕭森玉露老江干金籠鸚武休輕啄留待玲瓏骰子安

其五

莫問崂嶺棗熟豈且將小劫算花期誰言紅豆非僊果六十年來結子遲

其六

湘中紅豆若爲傳記拍拋來也自圓綵筆休翻新樂

府傷心不獨李龜年

其七

的爍流丹殷畫闌摘來真合薦金盤莫因不入虞淵
薄却作尋常草木看

其八

不隨玉樹共凋殘七寶闌前幾度看却羨荔枝生處
遠紅塵一騎到長安

其九

瑤池雲散綺窗開阿母新妝玉鏡臺琪樹枝頭懸火

齊親教青鳥為銜來

其十

清秋院落碧梧陰一粒相思百種心檢點啄餘香稻
句祇應鸚武是知音

友人得山鳥白首朱喙而嗜桑甚或曰此鸚鳩
也偶憶謝臯羽西臺慟哭記語賦此志感

朱喙雲端唳未休西臺慟哭古今愁日南消息堪頭
白漫擬桑林醉鸚鳩

過沈禹甸山居禹甸兄無咎名履素受知先

中丞登州之難無咎從京師間道重趼抵登赴
難及城陷與其姊丈潘于王雲柱死之

細雨輕寒弱柳垂滄桑廿載恨難追男兒南八捐生
日義士臧洪並死時馬革未歸青燐合龍髯重墮紫
宮移點頭浪說生公石話盡興亡總不知

歐羅巴劔子歌

先中丞得歐羅巴雙劔以贈門人錢素昭
志
至今尚在感而作歌

神宗在御時清晏鯨海麟洲爭貢獻碧眼名工破浪

來螺舟遠致雙龍劔鋒鋌不讓鬼方刀珍異應過肅

慎箭戰罷嘗懸達未樓佩來每侍歐羅殿皆在西國奇恠

寧關珠玉裝光芒或恐蛟龍變漢家東北起煙塵慷

慨先公不顧身賈胡燈市尋常見神物終當屬異人

赤土鷄膏親拂拭相看志在伊吾北紫氣紅光暗蔽

虧貂冠蟒服生顏色先公累受此賜軍前百戰血長殷城上

一揮頭畢白別有陰符祖泰西神機用火稱無敵混

同江上奪龍旗長白山前消羽檄青油帳內越王孫

能草表宏倚馬文趨走銀鞍嚴武幕追陪珠履孟嘗

門蓬萊閣外卷秋濤畫燭論兵意氣豪送遠聊同安
石扇徵休兼侶呂虔刀須臾幕府風雲改長城萬里
今安在屬鏤遺恨動風雷碧血茫茫沉碧海風塵瀕
洞帝星移青蓋黃旗又一時石馬淒涼猶帶甲金人
哽咽自沾衣杜鵑啼血陰雲黑百花洲上招狂客寒
風凜冽白虹飛天矯虬龍挂君壁再拜摩挲涕淚漣
先公手澤尚依然茂先身後存龍劍敬德亡來剩馬
鞭龜鱗蛇色驚奇絕握中搖動青蒲葉百鍊翻如繞
指柔能穿七扎唐夷甲錢郎雪涕向予述自失先公

亡劍術至今風雨鬼燈青匣中長嘯聲悲嗃酒酣斫
地歌莫哀霸金已付昆明灰頗聳武庫雲臺仗綠沈
金鎖生青苔嗚呼吾祖經營苦絕漠名王畏孫武生
死關前飛將營神仙窟裡中丞府健兒帳下走黃劉

謂總兵龍靖南伯蜚副總兵惟正鎮南侯
得功東平侯澤清□□侯良佐副將興祚壯士軍中

重王祖大將軍廷臣大
壽遊擊可法孔吳已見際風雲定南王友
德贈平西

王襄今平耿尚頻聞建旗鼓靖南王仲明
平南王可喜自餘名將

不可數劇盜降丁或卒伍褚正行梁山泊寨首孫克
滿洲人公沙的西勞若蓋

末畧俱小西洋人白登庸王弘基張
燾吳進勝及黃劉輩皆起於卒伍昔與此劍皆同

峇吾祖綸巾揮白羽一朝援卒變蕭牆駢戮麒麟縱
黜綸金章北地化侯王玉帳南朝列苑土劔光空射
斗牛間祈連遺塚荒狐兔廟中直擬彥章槍隴上應
同諸葛弩重為告曰劔兮劔兮莫化延平龍吾將挈
爾凌長空却斬老螻清海宇血鱗千片吹腥風冥游
八極意始雄君不見嗚嗚籥策射雕罷紫騮颯沓垂
楊下健兒爭買雁翎刀百寶妝成金錯靶

雁翎以孔
王所製為

即席賦印生所畜白鵲歌

溪堂五月蓮花紅酒徒列飲如長虹坐中有客臂鍊
鷗曾擒白鵲歸雕籠昔聞羣鵲同栖止石爭銜成
壁壘田父訛言待鳳皇居人或見白鵲子此語相傳
已數年君之籠中無乃是印生慷慨為予陳此鳥亦
曾為至尊即看白羽白於玉亦如龍種殊常人夜鳥
啼斷延秋門高臺獨足哀王孫

陳後主
時事

蜚鴻遍野歸

不得流離倦翻來江邨白鵝戢翼蒼鵝躍

晉時
事

京華

烽火殘鳩鵲觚稜日炫相風烏蒼梧雲暗憑霄萑

舜
墓

所海水羣飛精衛愁風塵瀕洞羅平惡

唐末越州有
羅平惡鳥也

乾鵲猶能奉鵲王休譏燕雀欣巢幙茸城媒雉羽林
兵華亭唳鶴飛將軍附鳳爭看借毛羽化鵬即可乘
風雲嗚嗚簾篋秋風急紫騮颯踏鷹眼疾條綻一掣
奮老拳羣兒爭笑鵲爭泣鳳池鴻鷺罷趨蹌鵝鶴成
行赴敵場深悔九重踈扈從盡拚一死報君王白鵲就擒
衆鵲啄鷄爭之不勝而去捉生自落射雕手望絕雲霄但垂首敢
論玉爪海東青祇恨金鈴鷹背狗塞外鷹背狗蓋產於鷹巢擊水
搏風氣尚存毛衣摧剝類人髡飛騰已受枋榆笑飲
啄聊分雁鶩恩吾聞此言重歎息開籠解綻何由得

晾鷹臺畔日西斜頭鵞晏罷風蕭瑟赤烏丹雀有無
間控鵠山頭竟不還休言尚父鷹揚事腸斷饒歌雉
子斑南粵曾聞黑鷗貢西周白雉爭來送無復金天
鳥紀官蠻雲萬里愁朱鳳猿雀三軍不可招永嘉空
說海鳥毛鸞歌鳳舞凋殘盡青鳥西飛弱水遙君不
見黑風匝地吹海水崩雲壓日電光紫金翅劈海食
龍子又不見雲夢秋天墮大鵬風毛雨血幾千里鏃
羽凌霄各有時莫因成敗生悲喜蘭旃密網艾如張
裂帛書歸半渺茫鷓鴣哽咽歌行路鸚武淒涼問上

皇背芒又見西南徼

越雋之南有背芒鳥棲必背日蓋不祥之鳥

山林處

處傷魂鳥

亦不祥鳥王莽未有之

不將言語媚侏儻只有金籠

秦吉了

有蠻人得秦吉了終不肯言遂不食而斃

鸚鵡巢成事已非天津

橋畔不勝悲更聞春燕巢林木相對汎瀾淚滿衣階

前魚鳥

鴉

同朱鷺印生索我題詩句鸚武慙無處士

才鷓鴣敢並司空賦况予鸞翮不勝愁汝亦蠹零狎

海鷗傷心漫聽提壺醉極目真同謝豹羞南飛三市

憐孤影空王頂上雙棲穩燕寢招涼扇早傳通侯玉

印記何年填河每赴黃姑約立樹曾煩曼倩占爭及

雕陵傳異種雲飛玉立清秋前秦庭已誓烏頭白仙

山未見鳴青鸛

太平則鳴

莫愁憔悴寄樊籠多少奇毛恣

彈射吁嗟乎陳宮玉樹栗留聲羌管胡琴唱白翎悲

風落月鶻啼急也是金堂玉几人

家園玉桃種出上苑 家慈誕日園丁獻並蒂

桃一枚喜而有述

碧梧深院小瑤臺玉盃冰桃阿母栽應是並頭花結

就便教同命鳥銜來

其二

留核何須笑武皇
玄都新種已成行
一枚便抵金莖露
不羨仙家玉女漿

其三

漫說天家雨露濃
上林草木劫灰空
爭如竹塢菱池畔
子女團樂一笑同

友人欲見訪而不識
敝居四次前韻以答之

平橋叢桂近諸天

天香橋蓋因邁園叢桂得名其西則法華菴也

小巷垂楊

記隱仙

卷舊名隱仙

雨過清池常貯月
雲深喬木不知年

皆敝居所有

抱琴人立花香外
洗研僮歸草色邊
遲爾清

尊同嘯詠莫因興
盡又回船

拙稿爲人竊去
遂不可問詩以哭之

錦囊驢背日相隨
誰道中途有別離
寶玉何當歸大盜
寢門真似哭相知
花飛月轉微吟夜
香燼燈昏細憶時
已爲新詩添耗耗
邠堪重寫斷腸詩

秋左堂集卷一

木之...

後學金惟騃叔良

外孫程宗傳說巖

校



